

1026 Празднование Пресвятей Богородице в память пренесения чудотворных Ея иконы, Иверския в Москву (1648 г.)

НА МАЛЕЙ ВЕЧЕРНИ

На ГОСПОДИ, ВОЗЗВАХ: стихиры, глас 1:

Приидите, вси людие, / верою сошедшеся, прославим Владычицу Богорóдицу, / Застúпницу рода нáшего, / и, обстоюще честнóую икóну, / любéзно обლობызаим ю, глагóлюще: / радуйся, Пречистая Дéво, / рáдуйся, Мати Господа Вы́шняго, // радуйся, покрове и спасение дúш нáших.

Рáдуйся, Афóнская горó, / слáва бо Господня на тебé возсия. / Яко бо многосветлая звезда, прииде от востока к зáпаду, / в столпе огненне явися икóна Богомáтере, // озаряючи Афон своим пришéствием.

Якоже Моисею в Синаи купина явísя иногда, / огнем убо опаляема, и невредима пребýвши, / тáко и Всенепорочный священный образ огнем одевается и неопалимь пребывáет, // освящая взирающия с вéрою на него.

Грядите радостно, иноков афонских ли́цы, / почерпите благодать неоскудную от иконы Богомáтере, / огнём блиста́ющияся, / и примите с вéрою и любóвию: / я́ко во стену и ограждéние / обителем вашим преславно дáруется, // да покрывает вас от всех враг видимых и невидимых.

«Слава, и ныне» – глас 5:

Приидите, людие, / чудотворному и всечестному поклонимся Божия Матере óбразу, / егóже дарова обители Иверстей / я́ко стража неусыпна и необорíма: / ограждает бо святую обитель и вся живущия на Афóне / Своím покровом и дарует обильныя дары исцелéний / от неистоцíмага источника святых иконы всем, тую почи́тающим. / Темже воспевающе, воззовем Первоо́бразней: // радуйся, мируи помощи и утешение дúш нáших.

Прокимен дне.

НА СТИХОВНЕ СТИХИРЫ, ГЛАС 2:

Вместилище чистое Света Пречистаго, Богородице, славим Тя и поем, раби Твои, яко явлением пречестныя Твоея иконы нас освящаеши.

Стих: **В**оскресни, Господи, в покой Твой, Ты и кивот святыни Твоея.

Слава Тебе, Христе Царю, слава многому о нас милосердию, ибо даровал еси икону Твоея Пречистыя Матере, благодати токи нам неоскудно изливающую.


Стих: **К**лятсЯ Господь Давиду истиною и не отвержется ея.

Днесь, благовернии людие, светло празднуем, осеняеми иконы Богоматере пришествием, с верою приемлюще в ней стража нам неотступна, и возопим Богородице: покрый нас от всякаго зла и спаси души наша.

«Слава, и ныне» – глас 6:

Притецем к тихому пристанищу/ и Заступнице рода нашего, Деве Марии,/ поклонимся честному Ея ангелы почитаемому образу,/ умильно зовуще:/ призри, Благосердая Мати,/ на лютыя скорби, нас обдержащия, // и исцели болéзни дúш нáшйх.

Тропарь зри на Велицей вечерне.



НА ВЕЛИЦЕЙ ВЕЧЕРНИ

НА ГОСПОДИ, ВОЗЗВАХ: СТИХИРЫ НА 8, ГЛАС 5.

Подобен «О преславнаго чудесе»:

Красуйся, Афоне, радуйся и веселися, обитель Иверская:/ се бо грядет чудная икона Богомáтере,/ áнгелы по морю дориносíма,/ свéтом неизреченным сияюще,/ мрак скорбей и печалей прогоняюще// и всех лучами своея мýлости озаряюще.

Тебé припадают, Госпоже, иноков лица и постников сослóвия/ и, любезно взирающе на святую икону Твою, вопиýт Тí:/ прииди́ к нам, Благая Мáти,/ ущéдри чтýщия Тя/ и даруй нам святой óбраз Тво́й// в залог мýлости и спасéния.

О, преслáвнаго чудесé!/ Якоже бо Моисею в Синаи купина явísя иногда,/ огнём убо опаляема и невредима пребýвши,/ сýще и Всенепорочныя Богородительницы образ огнем одева́ется,/ но неопалим пребывáет,/ просвещáя и нас, сущих во мрáце,// и невредимы в печи искушений и бéd сохраня́я.

Гряди́, Гавриíле,/ сниди немокренными ногами в мóре/ и прими́ во объятia икону Богомáтере/ на рáдость Афону, на ограждение обители Иверския// и всем христиáном во утешéние.

Богорóдице Дево, державная Помóщнице,/ ныне обитель Иверская о Тебе хвалится и веселíтся,/ имýщи Тя Заступницу непосты́дную/ и стéну неруши́му,/ основáние непоколебимо, стража неусы́пна./ Не престай, Госпоже, Твоими молíтвами/ и всегда избавляти обíтель Твою// и вся люди от всéх напáстей.

Пода́ждь утешение рабом Твоим, Чй́стая, / напасты́ми одержи́мым, / и ро́г верных вознеси, Богороди́тельнице, / спаси́ молитвами Твоими оби́тель сию́ / и грады правосла́вныя, / укрепи́ на враги сла́влящие Тя, // вся верныя рабы, хва́лящия Тя, защити́.

Пречи́стая Твоя икона, Богородице Де́во, / врачевство духовное всего мира явися: к нейже прибега́ем. / Тебе́ покланяющеся, почитаем и лобыза́ем ю́ / и исцелéний благодать получа́ем, / недугов душе́вных // и телесных страстей Твоими моли́твами свобожда́ющеся.

Яко порфирию царскою и ви́ссом, / иконою Твоею и Твоего Сына, Богороди́це, / оби́тель Иверская украси́вшись, / днёсь сия́ет чудесы́, / благодатию Святаго Духа паче света солнечнаго блиста́ющеся: / в то́й бо на болящих и недужных исцеления излива́ются // и всем даруется богáтая ми́лость.

«Слава, и ныне» – глас 8:

О Ма́ти Благая, Госпоже Богородице Де́во! / Не отрини нас, смиренных ра́б Твои́х, / пред пречи́стою Твоею ико́ною / недосто́йныя молитвы принося́щих, / бу́ди теплая ходатаица о нас, грéшных, / к Сыну Твоему, избави нас от всех бéd и искуше́ний, / да спаса́еми Тобою, выну вопи́ем Ти: / ра́дуйся, Благая Вратáрнице, // двери райския нам отверза́ющая.

Вход. Прокимен дне и чтения.

Бытия чтение. [Глава 28.]: Изыде Иаков от студенца клятвеннаго и иде в Харрань. И обрете место, и спа тамо: зайде бо солнце. И взят от камня места того и положи возглавие себе, и спа на месте оном. И сон виде: и се лествица утверждена на земли, еяже глава досязаше до небес, и ангели Божии восхождаху и низхождаху по ней. Господь же утверждашеся на ней и рече: Аз Бог Авраамов, отца твоего, и Бог Исааков, не бойся: земля, идеже ты спиши на ней, тебе дам ю и семени твоему. И будет семя твое, яко песок земный, и распространится на море, и ливу, и север, и на востоки, и возблагодарятся о тебе вся колена земная, и о семени твоем. И се Аз с тобою, сохраняяй ты на всяком пути, аможе аще пойдеш, и возвращу ты в землю сию: яко не имам тебе оставити, дондеже сотворити Ми вся, елика глаголах тебе. И воста Иаков от сна своего, и рече: яко есть Господь на месте сем, аз же не ведех. И убояся, и рече: яко страшно место сие; несть сие, но дом Божий, и сия врата Небесная.

Исхода чтение. [Глава 3.]: Моисей бяше пасый овцы Иофора, тестя своего, священника Мадиамска, и гнаше овцы в пустыню; и прииде в гору Божию Хорив. Явися же ему ангел Господень в пламени огненне из купины; и видит, яко купина горит огнем, купина же не стараше. Рече же Моисей: мимошед, увижду видение великое сие, яко не старает купина. Егда же виде Господь, яко приступает видети, воззва его Господь из купины, глаголя: Моисее, Моисее. Он же рече: что есть, Господи? Он же рече: не приближайся семо; изуй сапоги от ног твоих: место бо, на немже ты стоиши, земля свята есть.

Исхода чтение. [Глава 13.]: Обведе Бог люди путем, иже в пустыни, к Чермному морю: пятаго же рода изыдоша сынове Израилевы от земли Египетския. И взя Моисей кости Иосифовы с собою, клятвою бо закла Иосиф сыны Израилевы, глаголя: присещением присетит вас Господь, и изнесете отсюда кости моя с собою. Воздвигшеся же сынове Израилевы от Сокхофа, ополчишася во Офоме при пустыни. Бог же вождаше их: в день убо столпом облачным показати им путь, нощию же столпом огненным светити им. И не оскуде столп облачный во дни, и столп огненный нощию пред всеми людьми.

НА ЛИТИИ СТИХИРЫ, ГЛАС 8:

Приидите, празднолюбцы и постников сословие, /
вѣрою сошедшеся, хвалебныя песни принесем Марии
Приснодѣве, / днѣсь бо наста свѣтлое торжество, /
явление честныя Ея иконы Иверския, / юже обстояще со
страхом и любовию, воспоим Богородице: / радуйся,
неисповедимая радосте всем; / радуйся, образом Тво-
им святым нас просвѣщающая; / радуйся, всем похва-
ло и утверждение; // радуйся, спасѣние душ наших.

Что́ Тя наречем, Богородице Дѣво: / столп ли огнен-
ный, к вечному наследию нас ведущий; / стѣну ли
крепкую, яко православный род защищаеши; / стража
ли неусыпна, яко обитель Твою охраняеши и спа-
саеши. / Темже от належачих бед избавляеми, возо-
пийм Владычице: / радуйся, благих винѡвная, // из-
вестное христиа́н упова́ние.

«Слава, и ныне» – глас 5:

Радуется Афон, ликовствует обитель Иверская, торжествует и вся страна Российская: Божия бо Матерь чудотворным Своим образом милостивно нас посетила есть, дарует же нам в нуждах помощь, в скорбех утешение, в болезнях исцеление, в бедах избавление и всем верным велию милость.

НА СТИХОВНЕ СТИХИРЫ, ГЛАС 4:

Славное иконы Твоея явление, Богородице Пренепорóчная,/ славословим днесь и Твое заступление нам празднуем,/ яко бо Мати сущи Живота,/ молиши о нас Христа Бога нашего,/ на Тя крепкую надежду возложивших, // Путеводительнице неложная нашего спасения.

Стих: Помяну имя Твое во всяком роде и роде.

Отложим, вернии, печаль: се бо вторая неопалимая купина, икона Богоматере, иноки афонскими зримая, на очищение грешных является.

Стих: Слыши, Дщи, и виждь, и приклони ухо Твое.

Назнаменующи во странствии житейством Твое нам водительство, являеши, Богомати, в столпе огненне, да нас, блуждающих, путеводиши к вечным обителем.

Слава, и ныне, глас 5:

Приидите, вси монаси и мирстíи,/ прославим Пречистую Деву Богорóдицу:/ днесь бо, ради священныя икóны,/ в мори путие Ея и стези Ея в водах многих:/ от Никеи бо в столпе огненне понт морской/ ко Афону преходит и дар пришествием Своим верным подает./ Мы же, просвещаеми лучами благодати, // Ходатаицу спасения нáшего ублажа́ем.

Тропарь Богородице, глас 1:

Дерзость ненавидящих образ Господень/ и держава нечестивых безбожно в Nikeю прииде,/ и посланнии безчеловечно вдовицу,/ благочестно чтущую икону Богоматере, истязуют,/ но тая ношью с сыном икону в море пусти, вопиющи:/ слава Тебе, Чистая,/ яко непроходимое море плещи своя подаде,// слава правошествию Твоему, Едина Неленная.

«Слава, и ныне» – ин тропарь, глас 4:

От святых икон Твоея,/ о Владычице Богородице,/ исцеления и цельбы подаются обильно,/ с верою и любовью приходящим к ней./ Тако и мою немощь посети/ и душу мою помилуй, Благоая,// и тело исцели благодатию Твоею, Пречистая.

НА УТРЕНИ

По 1-й кафисме седален, глас 1:

Пресветлаго зрака Твоего явление радость приносит всем верующим и обители Иверстей дарует стража неусыпна и от бед избавление. Темже поем Ти, Пречистая: покрывай нас присно покровом Твоим.

Слава, и ныне, глас 8:

Сей день Господень, радуйтесь, людие, се бо светоносный облак на воздухе чудно простирается, и столпом огненным пред Афоном явлется Едина и Единаго на руках Матерних держащи Христа, Зиждителя вселенных, во спасение душ наших.

По 2-й кафисме седален, глас 3:

Веселятся днесь светло Афона паствы, песней множество слагают, любовь Непорочную почитающе, величеством благодати красящиеся, юже прияша пришествием иконы Всенепорочных Отроковицы, зарями Боговедения благочестно поющих озрающия.

Слава, и ныне, глас 5:

Чудо преславное зрится днесь: в водах бо огненосная Богоотроковицы икона показуется, и знаменья лучи испускает, и пребывание постников чудом спасает. Сего ради благодарственно вопием: радуйся, Благодатная.

Величание:

Величаем Тя,/ Пресвятая Дево,/ Богоизбранная Отроковице,/ и чтим образ Твой святой,/ имже точиши исцеления// всем, с верою притекающим.

Псалом избранный:

Помяни́, Го́споди, Дави́да и всю крото́сть его́./ Я́ко кля́тся Го́сподеви, обеща́хся Богу́ Иа́ковлю./ Се слы́шахом я во Евфра́фе, обрето́хом я в поля́х дубра́вы./ Пресла́вная глаго́лашася о Тебе, гра́де Бо́жий./ Бог посреде́ его́, и не подви́жится./ Кля́тся Госпо́дь Давиду́ и́стиною и не отве́ржется ея́./ От пло́да чре́ва Твоего́ посажду́ на престо́ле Твое́м./ Я́ко избра́ Госпо́дь Сио́на, изво́ли его́ в жили́ще Себе́./ Освяти́л е́сть селéние Своё́ Вы́шний./ Святы́ня и велеле́пота во святи́ле Его́./ Свят храм Твой, дивен в пра́вде./ До́му твоему́ подобáет святы́ня, Го́споди, в долготу́ дней./ Помяну́ имя Твое во всяком ро́де и ро́де./ Благословéн Госпо́дь во век и в век ве́ка.

По полиелеи седален, глас 8:

Величие Твое кто исповестъ, Богородице, явлением бо Твоя иконы удивила еси вся православныя, многия недуги врачующи и болезни исцеляющи. О Всемиловитая Владычице, не лиши нас и ныне Твоего заступления, но молитвами Твоими защити и спаси православныя люди и силою Твоею огради, да Тобою хвалящися и все упование на Тя возлагающе, не постыдимся во веки.

Слава, и ныне, тойже.

Прокимен, глас 4: Помяну имя Твое во всяком роде и роде. **Стих:** Отрыгну сердце мое слово благо. **Всякое дыхание да хвалит Господа. Стих:** Хвалите Бога во святых Его.

Стихира, глас 6:

Егда явление чуднаго Твоего образа приспé,/ тогда афонстии отцы, столп огненный на мори зряще,/ страхом одержими, недоумева́ху./ Гаври́л же, яко второй Петр, по мору́ ходя́,/ со слезами вопия́ше Тебе́:/ о Пресвятая, прииди́ и сохрани́// достояние Твое от враг ненавётно.

**Канон Пресвятей Богородице на 8, ирмосы по дважды,
глас 8.
Песнь 1.**

Ирмос: Колесницегонителя фарао́ня погрузи́,/ чудотвори́й иногда́,/ Моисе́йский жезл, крестообра́зно порази́в/ и раздели́в мо́ре,/ Израиля же беглеца, пешехо́дца, спасе́, // песнь Бо́гови воспеваю́ща.

От скверных устен хваление приими, Всенепорочная, якоже прежде Сын Твой, Бог же мой и Господь, прият две лепты вдовицы, и разрешение прегрешений моих подаждь, яко да по долгу величаю Тя.

Ангельское пение подобаше Тебе, Матери Божией, Творца бо сих родила еси странно. Но и от нас приими, Владычице, смиренныя сия молитвы, да поем Господеви: славно прославися в нашей немощи.

Огустеша воды, огустеша и волны посреде моря, носяща Твою, Богомати, икону. Утверди и мое подвигшееся сердце на камени заповедей Христовых.

Помощница и Покровительница была еси, Дево, обители Иверския, воев Амиры с корабли их в мори погрузивши, но потопа в пучине милосердия Сына Твоего вся моя душевныя страсти и безчисленная моя прегрешения.

Песнь 3.

Ирмос: Утверждей в начале небеса́ ра́зумом/ и землю на водах основа́вый,/ на ка́мени мя, Христе, заповедей Твои́х утверди́,/ яко несть свят па́че Тебе́, // Еди́не Человеколю́бче.

Утверди сердце мое во уповании на Тя, Богомати, изми всякую гордыню и превозношение из помраченного ума моего, да вопию: несть свят, яко Господь, и несть праведен, яко Бог наш.

Ты, о Богомати, немощствующия препоясуеши силою, алчущия насыщаеши; посети и мою немощь и алчущаго и жаждущаго мене насыти Животнаго Хлеба, чрез Твою девственную утробу шедшаго с Небесе на землю.

Возстави, Владычице, от земли мене, убогаго, и от гноища греховнаго воздвигни, нищаго, даждь молитву мне, молящемуся, да, величая, пою Твое заступление.

Неплодствующий мой ум плодоносен покажи, Благая Дево, от неплодове рождающаяся: Ты бо плодоносие всех благ явлением иконы Твоея подаеши.

Седален:

Светлое днесь Заступницы нашея наста торжество. Да възграется тварь, да ликоствуют человечестии собори, созывает бо нас Святая Богородица видети огненосную икону Свою, лучами милости верныя просвещающую. Темже, радуящеся, вопием: спаси, Госпоже, от глада, огня, меча и бед вся почитающия явление иконы Твоея.

Слава, и ныне, тойже.

Песнь 4.

Ирмос: Ты моя крепость, Господи,/ Ты моя и сила,/ Ты мой Бог, Ты мое радование,/ не оставль недра Отча/ и нашу нищету посетив./ Тем с пророком Аввакумом зову Ти:// силе Твоей слава, Человеколюбче.

Покры Небеса добродетель Твоя, Богомати, и хвалы Твоя исполнися земля, но положи любовь державную крепости Твоя и на мне, отчаянном.

Уготовляючи шествие чудней иконе Твоей, даде бездна глас свой, воздвижесе солнце, и сияние ея яко свет бысть, но Ты изшла еси на спасение людей, спасти Твое наследие пришла еси.

Услышавше слух пришествия Твоего, иноцы убояшася; уразумевше же дела Твоя, ужасошася, но внемгда смутитися души моей, милость Твою помяни, Владычице, да взываю: слава заступлению Твоему, Богомати.

Ты еси моя крепость и сила, Богородице, Тобою почию в день скорби моя, и из страны пришельствия взыду Тобою в Небесное наследие, и возрадуюся о Господе и Бозе, Спасе моем.

Песнь 5.

Ирмос: Вскую мя отринул еси/ от лица Твоего, Свете незаходимый,/ и покрыла мя есть чуждая тьма, окайнного,/ но обрати мя и к свету заповедей Твоих// пути моя направи, молюся.

Виждь, Чистая, от ноши утренюющая люди паствы Твоя, икону Твою Богохвальную обстоящая, разрешения же грехов просящая, и жития исправления, и Божественная славы причастия: не отрини убо нас от лица Твоего, Света незаходимаго Мати.

Всею душею и мыслию в пастве Твоей вси сликующе, псалмы, и песньми духовными, и пением Божественным икону Твою почитают, прощения грехов просяще и душ спасения. Ты же, исцеление наше сущи, сия вся подаждь, Владычице Богоневесто.

Храм Твой, Дево, яко рай другой показася ныне, яко древо жизни имея икону красоты Твоя, юже вси усердно со благоговением и любовью целующе, взываем: Владычице, мир даждь нам, Владычице, стяжи нас, иного бо разве Тебе утешения не вемы.

Реку Тя сладкую и поток насыщения, манну небесную, изобилие и благодать приснотекущую во обители Твоей живущии стяжавше, поют Рождество Твое, Отроковице.

Песнь 6.

Ирмос: Очи́сти мя, Спа́се,/ мно́га бо беззако́ния
мо́я,/ и из глублины зол возведи́, молю́ся:/ к Тебе бо
возопи́х, и услы́ши мя, // Бо́же спасе́ния моего.

В скорби сердца вопию ти, Владычице, житейского моря потопляем бурю, к Тебе, яко тихому пристанищу, прибегаю: возведи от тли живот мой.

Бездна последняя грехов обыде мя, и исчезает дух мой, но простри, Владычице, высокую Твою мышцу и, яко Гавриила, и мене, ко Твоей иконе прибегающа, невредима сотвори.

Не отрини мене до конца от лица Твоего, Мати незаходимаго Света, не попусти мне погрязнути в пучине беззаконий, но возведи мене от блага страстей, да взыдет из истления живот мой и пожру Тебе со гласом хваления и исповедания.

Храм носяй телесный весь осквернен, Тебе, Пречистому храму Вечнаго Слова, дерзаю в честном храме Твоем, пред Твоею святою иконою приносить смиренныя моя молитвы. Ты же, яко Милостивая, очисти мя Твоим благоутробием.

Кондак, глас 8:

Аще и в море ввержена бысть святая икона Твоя, Богородице,/ от вдови́цы, не могущия спасти сию́
от враго́в,/ но яви́лася ест хранительница Афона и
вратарница обители Иверския,/ враги́ устрашаю-
щая и в православней Росси́йстей странé // чтущия
Тя от всех бед и напастей избавляющая.

Икос: В столпе огненне явльшуюся Богоматере икону видевши, возопиша постников иверских лица: о Владыко, сподоби нас прияти икону Матере Твоея во утешение странствия нашего; ты же, Гаврииле, дерзай и вниди в море, и приими во объятия твоя сокровище, нам являемое, да будет нам страж неусыпный, покров же, и радость всем христианом, и хранительница, от бед и напастей избавляющая.

Песнь 7.

Ирмос: Бо́жия снизхожде́ния/ огонь устыдеса в Ва-
вилоне́не иногда́,/ сего ради отроцы в печи радован-
ною ного́ю,/ яко во цветнице ликующе, по́яху://
благословен еси, Бо́же отец наших.

Согрешихом, беззаконновахом, неправдовахом пред Господем, но, Владычице моя Богородице, яко Благая угаси огонь Его праведнаго гнева Твоим теплым ходатайством, да поем Ему: отец наших Бо́же, благословен еси.

В печи искушений и бед опаляемая ороси, Богомати, струями Твоих щедрот, да посрамятся врази наши и да разумеют вси, яко Ты едина еси Владычица Богородица, по всей вселенней славимая.

Престоле Царя славы, честнейшая херувим, одушевленный храм, в немже вселися

Господь, твердь небесная, на нейже возсия Солнце правды, Христос, Тя поем, Богомати, и превозносим во вся веки.

Ты еси веселие и в пустынях живущим, Ты еси и стольнаго града утешение и похвала, Дево Марие, препетая и превозносимая во веки.

Песнь 8.

Ирмос: Седмерицею пещь/ халдейский мучитель/
Богочестивым неистовно разжжé,/ силою же луч-
шею спасены сия вíдев,/ Творцу и Избавителю во-
пияше:/ отроцы, благословите, священницы, вос-
пóйте, // людие, превозносите во вся веки.

Поют Тя ангельския силы, превозносит человеческий род, благословит Тя вся тварь, Пречистая Дево Богородице. Приими и от мене, недостойнаго, приносимое Тебе хваление.

Пойте, иноцы Афона, благословляй, земле Иверская, превозноси, вся страна Российская, Благоую Владычицу, реки чудес от Своея чудотворныя иконы источающую. Хвалим, благословим, покланяемся Ти, Богородице, поюще и превозносяще во вся веки.

Подобием иконы Иверския не точию святыи Афон просвещается, но и стольный град Москва украшается, от того чудесную помощь приемля и источник утешения в нем обретая.

Еще и страна Новгородская и инии грады и веси подобием Иверския иконы Твоея, Владычице, освятишася и чудесы просветишася, вопиюще: Господа пойте и превозносите во вся веки.

Песнь 9.

Ирмос: Ужасеся о сем нéбо/ и земли удивíшася
концы,/ яко Бог явися человеком плóтски/ и чрево
Твое бысть прострáннейшее небéс./ Тém Тя́, Бого-
рóдицу, // ангелов и человек чиноначáлия величают.

Тайна глубины Рождества Твоего ум ангельский ужасает, Дево, и пречистая икона Твоя демоны прогоняет, не терпяще бо взирати на силу ея, бегают и исчезают. Мы же той любезно покланяемся и облобызаем и Тя, Богородицу, величаем.

Приидите вси, поклонимся, припадем и возвеличим Божию Матерь, призревшую на нас, смиренных, алчущия исполняющую благ и положившую с нами завет милости во явлении Своея дивныя иконы.

Богородице Дево, упование христианом, пробави и нашему роду милости Твоя, бывшия отцем нашим, покрой и соблюди нас от всякаго зла.

О всемилостивая христианом Помощнице, не может Тя воспети достойно язык человеческий и ангельский, яко всея твари честнейшую и земных славнейшую, но приими милостивно сие приносимое Тебе от нас моление и спасай нас всегда, на Тя бо упование возложихом.

Ексапостиларий: Икону Твою всечестную приим Гавриил во объятия, вопияше Тебе, Владычице: о сладкая Мати Царя Христа, буди покров Твоей обители, радость же всем христианом и спорушница жизни вечныя.

НА ХВАЛИТЕХ СТИХИРЫ НА 4, ГЛАС 4:

О, несказанныя бла́гости!/ **О**, славнаго явления иконы Богома́тере,/ я́же сия́ет чудесы́/ и просвещает благодатию верно приходя́щия!/ Ю́же с веселием прие́млюще, // Чистую Богоотроковицу досто́жно песньми почитаем и ублажа́ем.

О, преславнаго Твоего о нас, Владычице, промы́сления!/ Чудную бо Твою икону Афону посыла́еши/ и я́ко стража нам неусыпна тую подаеши ми́лостивно/ и утешение странствию на́шему./ Темже, познавше Твоя честна́я чудеса́, // песньми Тя велича́ем.

О, пресла́внаго чудесе́!/ Како огненосная икона на волна́х морски́х,/ я́ко на колеснице но́сится,/ светлыми лучами благодати умы просвеща́ющи;/ еяже торжество песньми почитающе ра́достно, // славу возсылаем Богороди́тельнице.

«Слава, и ныне» – **глас тойже:**

Твой глагол исполняя, Богома́ти,/ праведный Гавриил немокренно по воде морстей пешешествова/ и, воспри́м священную ико́ну Твою́,/ лик песенный соста́ви/ и торжество с постники афо́нскими совокупи́./ Те́мже и мы, удивля́ющесея,/ вопи́ем Первовино́вному:/ слава Тебе, сотворшему дивна́я,/ Еди́ному Царю и Бо́гу,/ молитв ради Богоро́дицы!/ Сохрани люди христиа́нския // и победы на враги даруй, яко Всеси́лен.

Славословие великое и отпуст.

НА ЛИТУРГИИ:

Блаженны от канона, песнь 3-я и 6-я.

Тропарь Богородице, глас 1:

Дерзость ненавидящих образ Господень/ и держава нечестивых безбожно в Nikeю прииде,/ и посланнии безчеловечно вдовицу,/ благочестно чтущую икону Богоматере, истязуют,/ но тая ношью с сыном икону в море пусти, вопиющи:/ слава Тебе, Чистая,/ яко непроходимое море плещи своя подаде, // слава правошествию Твоему, Едина Неглenna.

«Слава, и ныне» – ин тропарь, глас 4:

От святых икон Твоя, / о Владычице Богородице, / исцеления и цельбы подаются обильно, / с верою и любовью приходящим к ней. / Тако и мою немощь посети / и душу мою помилуй, Благоая, // и тело исцели благодатию Твоею, Пречистая.

Кондак, глас 8:

Аще и в море ввержена бысть святая икона Твоя, Богородице, / от вдовицы, не могущия спасти сию от врагов, / но явилася есть хранительница Афона и вратарница обители Иверския, / враги устрашающая и в православней Российстей стране // чтущия Тя от всех бед и напастей избавляющая.

Прокимен, песнь Богородицы, глас 3: Величит душа Моя Господа, и возрадовася дух Мой о Бозе, Спасе Моем.

Стих: Яко призре на смирение рабы Своя, се бо отныне ублажат Мя вси роди. **Аллилуиа, глас 8:** Слыши, Дщи, и виждь, и приклони ухо Твое. **Стих:** Лицу Твоему помолятся богатии людстии. **Причастен:** Чашу спасения прииму и имя Господне призову.

Ведомо буди, яко празднование Пресвятей Богородице святых ради Ея иконы Иверския творится октября в 13-й день, февраля в 12-й день и во вторник Светлых седмиц по уставу святого Благовещения.